

Awadhi - Salvation Scriptures

इफिसियन 2:2 जेहमें तू पचे पहिले, संसार क खराब रस्तन पर चलत-चलत अउर वह आतिमा क अनुसरण करत-करत जिअत रह्या। जउन इह धरती क बुरी सक्रियन क स्वामी रही उहइ आतिमा अब उ मनइयन में काम करत अहइ जउन परमेस्सर क आज्ञा क नाही मनतेन।

मत्ती 6:10 जग में तोहार राज्य आवइ जउन चाहा तू वइसे पूर होइ इ धरती प जइसे पूर होत रहता तोहार इच्छा सदा सरग में।

लूका 22:42 “हे परमपिता, अगर तोहार इच्छा होइ इ यातना क कटोरा मोहसे दूर हटावा मुला फिन भी नाही बल्कि तोहार इच्छा पूरा होई।”

यूहन्ना 16:7-9 मुला मई तोहसे सच्ची सच्ची कहत अही कि एहमाँ तोहरा भलाई अहइ कि मई जात अही। काहेकि जदि मई न जाउँ तउ सहायक तोहरे पास न आई। जदि मई हियाँ स चला जाब तउ मई ओका तोहरे पास भेजबा। 8 अउर जब उ आइ तउ पाप, धार्मिकता अउर निआव क बावत दुनिया क सक दूर करी। 9 पाप क बावत इ बरे कि उ पचे मोर में बिसवास नाही करतेन।

2 तीमुथियुस 2:10 इही कारण परमेस्सर क चुना गवा लोगन के बरे मई हर दुख उठावत रहत हउँ ताकि उ पचे भी ईसू मसीह में मिलइ वाली महिमामयी अउर अनन्त उद्धार क साथे मिलि सकईं।

रोमियन 15:20,21 मोरे मने में हमेसा इ अभिलासा रही बा कि मई सुसमाचार क उपदेस उहाँ देउँ जहाँ क लोग मसीह क नाम नाही जानतेन, ताकि मई कउनो दूसरे मनइ क नींव पे निर्माण न करउँ। 21 परन्तु पवितर सास्तरन कहत ह: “जेनका ओनके बारे में नाही बतावा गवा बा, उ पचे देखिहीं। अउर जे सुने तलक नाही बा, उ पचे समझिहीं।”

प्रेरितन क काम 2:36,37 “यह बरे इस्त्राएल क समूहइ मनइयन ठीक तरह स समुझ लेइ कि परमेस्सर इ ईसू क जेका तू पचे क्रूस प चढ़ाइ दिहे रहा, पर्भू अउर मसीह दुइनउँ ठहरावा ग रहेन!” 37 मनइयन जब इ सुनेन तउ उ पचे घबराइ

गएन अउर पतरस अउर दूसर प्रेरितन स कहेन, “तउ भाई, हम सबन क का करइ चाही?”

इब्रनियन 4:2 काहेकि हमकउ ओनही क समान सुसमाचार क उपदेस दीन्ह गवा बा। मुला जउन उपदेस ओ पचे सुनेन ह, उ ओनके बरे बेकार बा। काहेकि उ पचे जब ओका सुनेन तउ एका बिसवास क साथे धारण नाहीं किहेन।

यिर्मयाह 24:7 मई ओनका आपन क समुझइ क इच्छा रखइवाला बनाउबा उ पचे समझिहीं कि मई यहोवा हउँ उ सबइ मोर लोग होइहीं अउर मई ओनकर परमेस्सर मई इ करब काहेकि उ पचे बाबुल क बन्दी पूरे हिरदय स मोर सरण मँ अइहीं।

प्रेरितन क काम 16:14 हुवई लुदिया नाउँ क एक स्त्री रही। उ बैगनी रंग क ओढ़ना क बिक्री करत रही। उ परमेस्सर क आराधिका रही। उ बड़ा धियान स हमार बातन क सुनत रही। पर्भू ओकरे हिरदय क दुआर खोल दिहस ताकि, जउन कछू पौलुस कहत रहा, उ ओन बातन प धियान देइ सकइ।

मत्ती 13:14,15 इ तरह ओन प यसायाह की भविस्सबाणी खरी उतरत ही :‘तू सुनब्या अउर सुनतइ ही रहब्या मुला तोहरे कछू भी समुझ न आई तू लखत ह, बस देखतइ ही रहब्या मुला तोहका तउ कछू सूझ ना पाई, 15 काहेकि ओनके अकिल प पाथर पड़ा हइ सबइ आपन कान मूँद लिहेन, अउर आँखी बंद कई रखी अहई जैसे आपन आँखिन स उ सबइ कछू न निहारई अउर उ सबइ कनवा स कछू सुनि न पावई या आपन हिरदय स कबहुँ बूझई अउ मुड़िकइ कबहुँ मोरी कईंती आवई अउर जैसे मई ओनका उद्धार करउँ।’

यसायाह 6:9,10 फिन यहोवा बोला, “जा अउर लोगन स कहा, ‘धियान स सुना, किन्तु समुझा जिना निआरे स लखा, किन्तु बूझा जिना’ 10 लोगन क लोगन क समझइ क छमता क कठिन कइ द्या। ओनका सुनन मँ मुसकिल कइ देइ अउर लखइ नाहीं सकी। जदि तू अइसा नाहीं करब्या, तउ होइ सकत ह उ आपन आँखन स लखि सकत ही, आपन कानन स सुनि सकत हीं, अउर आपन हिरदइ स समुझ सकत हीं अउर तउ उ पचे पछतावा करी अउर चिकित्सा पाइ।”

मरकुस 4:11,12 ईसू ओनसे कहेस, “तू सबनक परमेस्सर क राज्य भेद बताइ दीन्ह। मुला ओनके बरे जउन बाहेर क अहई सब बातन दिस्टान्त दीन्ह गइ अहई।

12 एह बरे, 'उ सब देखेँ अउर देखेँतई रहा मुला कछू सुझइ नाहीं, सुनि लेईँ अउर सुनतइ रहईँ, मुला कछू बूझइ नाहीं। नाहीं तउ, उ सब घूमि जाईँ अउर छमा कइ दीन्ह जाइ।”

यूहन्ना 12:39,40 इहइ बरे उ सब बिसवास नाहीं कइ सकेन। काहेकि यसायाह फिन केह रहा, 40 “उ ओनकइ आँखी आँधर अउर ओनकइ हिरदइ कठोर बनाएस जइसे, उ पचे अपनी आँखी स देख न सकईँ अउर बुद्धि स समझ न पावईँ अउर मोरी कइँती न मुड़ईँ, जइसे कि मईँ ओनका चंगा न कइ पाई।”

रोमियन 11:7,8 तउ ऐहसे का? इस्राएल क लोग जेका खोजत रहन, उ सबइ ओका नाहीं पाइ सकेन। परन्तु चुना हुवन क उ मिलि गवा। जब कि बाकी सब क जड़ बनाइ दीन्ह गवा। 8 पवितर सास्तरन कहत ह: “परमेस्सर तउ ओन्हे एक चेतन सून्य कइ दिहेस आतिमा प्रदान किहेस।” “अइसेन आँखी दिहेस जउन देखि नाहीं सकत रहिन अउ अइसेन कान दिहेस जउन सुन नाहीं सकत रहेन। अउर इहइ दसा ठीक आजु तलक बनी भई बा।”

2 थिस्सलुनीकियन 2:10,11 अउर सब परकार क पाप स भरा छल-परपंच स भरा होइ। उ एनकर उपयोग मनइय क विरुद्ध करी जउन सर्वनासे क रस्ता मँ खोवा हवा अहईँ। उ भटक गवा हयेन काहेकि ओन्हन सत्य स पिरेम नाहीं किहे बाटेन, कहुँ ओनकर उद्धार न होइ जाइ। 11 इही बरे परमेस्सर ओहमन एक छली सक्ती क काम मँ कई देई जेहसे उ झूठ मँ बिसवास करइ लाग रहेन। एहसे ओनकर बिसवास जउन झूठ बा, ओह पर होई।

मत्ती 13:18-23 “तउ बिआ बोअइ क दिस्टान्त क अरथ सुन ल्या। 19 उ बिआ जउन यह क किनारे गिर गवा रहा, ओकर अरथ अहइ कि जबहिं कउनो सरगे क राज्य क उपदेस सुनावत ह अउर समझत नाहीं तउ दुस्ट आइके, ओकरे मनवा मँ जउन उगा रहा, उखाड़ लइ जात ह। 20 उ सबइ बिआ जउन पथरही धरती प छितराइ न रहेन, ओकर अरथ अहइ उ मनई जउन उपदेस सुनत ह, ओका खुसी होइके फउरन अपनावत ह 21 मुला आपन भीतर ओनकइ जड़ नाहीं जमइ देत, उ तनिक देर ठहर पावत ह, जब उपदेस क कारण ओह प कस्ट अउर यातना आवत हीं तउ

उ फउरन डगमगाइ जात ह। 22 कॅटवन मँ छितराइ गवा बिआ क मतलब अहइ, उ मनई जउन उपदेस क तउ सुनत ह, मुला संसार क फिकिर अउर, धन क लालच उपदेस क दहबोच लेत ह अउर उ मनई सफल नाहीं होइ पावत। 23 नीक धरती प छितरान बिआ क अरथ अहइ उ मनई जउन उपदेस क सुनत ह अउर समझत ह। उ सफल होत ह। ओकर सफलता तीस गुनी, साठ गुनी या सौ गुनी तक होत ह।”गोहूँ अउर खरपतवारे क दिस्टान्त

2 कुरिन्थियन 3:15,16 आज तलक जब जब मूसा क ग्रन्थ पढ़ा जात रहा। तउ पढ़इवाले क मने पर परदा पड़ा रहत रहा। 16 मुला जब कउनो क हिरदइ पर्भू क तरफ मुड़त रहत ह तउ परदा हटाइ दीन्ह जात ह।

यसायाह 30:28 यहोवा क साँस (आत्मा) एक अइसी बिसाल नदी क तरह अहइ जउन तब तलक बढ़त रहत ह, जब तलक उ गटइ तलक नाहीं पहुँच जात। यहोवा सबहिँ रास्ट्रन क निआव करी। इ वइसा ही होइ जइसे उ ओनका बिनासे क छलनी स छान डावड़ा इ नियंत्रन वइसा होइ जइसे घोड़सवार लगाम क जरिया स घोड़ा क नियंत्रन करत ह, यहोवा रास्ट्रन क नियंत्रन करब अउर ओनकर अगुवाइ उ जगह तलक करब जहाँ उ ओनका लेइ जाइ चाहत ह।

होसे 11:3-7 उ मई ही अहउँ जउन एप्रैम चलब सिखाएस। मई इस्राएल क आपन बाँहन मँ लिहे रहेउँ, मुला उ नाहीं जानत ह कि कउन ओका तन्दुरुस्त किहेस ह। 4 मई ओनका पिआर अउ र्नेह क “लसुरी” स अगुवाइ किहे रह्या। मई ओकरे गटइ स जुआ क हटाइ दिहेस अउर विनम्रता स खिलाएस ह। 5 मुला उ पचे मोर कइँती नाहीं मुड़ब्या! नाहीं, उ पचे मिस्र चला गएन या आपन राजा अरसूर क राजा क लगे गएन। उ पचे मोर कइँती वापिस आवइ स इन्कार करत ह। 6 ओनकर सहरन क ऊपर लटकत भवा तरवार ओनकर सबइ ताकतवार मनइयन क ओनकर बुरे जोजना क कारण बर्बाद कइ देइहीं। 7 “मोर लोग मोह स मुड़ि जाब अउर उ एका नाहीं रोक सकबा उ पचे आपन मदद बरे बाल देवता क पुकारेस, का उ ओका बचा सकेस?”

प्रेरितन क काम 26:18 ओकर आँखी खोलइ, ओनका आँधियारा स प्रकास कइँती लावइ अउर सइतान क सक्ती स परमेस्वर कइँती मोड़इ बरे, तोहका पठवत हउँ,

ओनसे तोहार रच्छा करत रहबा। एँहसे उ पचे पापन स छमा पइहीं अउर ओन मनइयन क बीच ठउर पइहीं जउन मोहे मँ बिसवास धरइ क कारण पवितर भएन हा”

2 तीमुथियुस 2:24-26 अउर पर्भू क सेवक क तउ झगड़इ न चाही। ओका तउ सब प द्या करइ चाही ओका सिच्छा देइ मँ जोग्न होइ चाही। ओका सहनसील होइ चाही। 25 ओका अपने विरोधियन क भी विनम्रता क साथे समझइ चाही और परमेस्सर ओनका हिरदइ बदल देइ ताकि ओनका सत्य क गियान होइ जाइ 26 अउर उ सचेत होइ क सइतान क ओह फन्दा स बचि नकरइँ जेहमँ सइतान ओनका जकड़ी रखे बाटइ ताकि उ पचे परमेस्सर क इच्छा क अनुसरण कइ सकइँ।

प्रकासित वाक्य 3:17-19 तू कहत अहा कि मइँ धनी होइ गवा हउँ अउर मइँ भाग्यसली होइ गवा अहउँ अउर मोका कउनउँ चीज क जरूरत नाहीं अहइ, मुला तोहका पता नाहीं अहइ कि तू अभागा अहा, दयनीय अहा, आँधर अहा अउर नंगा अहा। 18 मइँ तोहका इ सलाह देत अहउँ कि तू मोका आगी मँ तपावा सोना खरीदा जइसे कि तू सही सही धनवान होइ जा। पहिनइ क वास्ते सफेद कपरा लइ ल्या जइसे कि तोहरी बेसामी अउर नंगाई क तमासा न खड़ा होइ जाइ। अपने आँखन मँ लगावइ क वास्ते तू आँजन लइ ल्या जइसे कि तू निहार सका। 19 “ओनका सबेन्ह क जेनका मइँ पिरैम करित हउँ, मइँ डाटत अहउँ अउर अनुसासित करत हउँ। कठिन जतन कइके आपन मनफिराइ ल्या।

2 कुरिन्थियन 7:10 काहेकि उ दुख जउन परमेस्सर की इच्छा क अनुसार होत ह एक अइसेन मनफिराव क जन्म देत ह जेहके बरे पछतावई क नाहीं पड़त अउ जउन मुक्ति देवौवत ह। मुला उ दुख जउन संसारी होत ह, ओहसे तउ बस मउत जनम लेत ह।

1 राजा 18:37 यहोवा मोर पराथना क जवाब दया। एन लोगन क जानइ द्या कि हे यहोवा, तू असल मँ परमेस्सर अहा। तब लोग समुझिहीं कि तू ओनका अपने लगे वापस लिआवत अहा”

2 कुरिन्थियन 4:4 एह जुगे क सुवामी (सइतान) एह अबिसवसियन क बुद्धि क आँधर कइ दिहे अहइ। ताकि उ पचे परमेस्सर क साच्छात एकदम्मई वइसेन हीं रूप

उ मसीह क महिमा क सुसमाचार स फूटन रह प्रकास (सत्य) क न देख पावईसा लूका 8:11-15 11 “इ दिस्टान्त कथा क अरथ इ अहइ: बिआ परमेस्सर क उपदेस अहइ। 12 उ बिआ जउन रह क किनारे गिरा रहेन, उ मनइयन उपदेस जउन अब उपदेस सुनत हीं, सइतान आवत ह अउर उपदेस क ओनके मने स निकार लइ जात ह जेहसे उ सबइ पतिआय न पावई अउर ओनकइ उद्धार न होइ सकइ। 13 उ बिआ जउन पथरही भुइयाँ प गिरा रहेन ओनकइ अरथ अहइ ओन मनइयन स जउन उपदेस सुनत हीं तउ ओका खुसी स तउ अपनावत हीं। मुला बिआ ओनके भितरे जम नाहीं पावत उ सबइ कछू समइ बरे बिसवास करत हीं मुला परीच्छा क घड़ी में डुग जात हीं। 14 अउर जउन बिआ काँटन में गिरेन ओकर अरथ अहइ, ओन मनइयन स जउन उपदेस सुनत हीं, मुला जब उ पचे आपन राहे प चलइ लागत हीं। तउ फिकिर, धन दौलत अउर जिन्नगी क भोग बिलास ओका दहबोचि लेत हीं, जेहसे ओन प कबहुँ फसल पाकत नाहीं। 15 अउर बढ़िया भुइयाँ प गिरा भवा बिआ क अरथ अहइ ओन मनइयन स जउन अच्छा अउर सच्चा मन स जब उपदेस क सुनत हीं तउ ओका धारण भी करत हीं। फिन आपन धीरज क संग उ पचे उत्तिम फल देत हीं।

प्रेरितन क काम 15:11 मुला हमार तउ इ बिसवास अहइ कि पर्भू ईसू क अनुग्रह स जइसे हमार उद्धार भवा ह, वइसे ही हमका भरोसा अहइ कि ओनकइ भी बचाव जाई!”

रोमियन 8:13 काहेकि अगर तू भौतिक मनइ सुभाव क अनुसार जीब्या तब मरब्या। अगर तू आतिमा क जरिये सरीर क व्यवहारन क अन्त कइ देब्या तउ तू जी जाब्या।

Pastor T. John Franklin
Church of Salvation, Healing, and Deliverance
COS-HAD.org